

## Udruženje korisnika kredita "Švicarac"

Kulina bana 10

70230 Bugojno

Poštovani g. Duraković,

kako sam i naglasila u prošlom dopisu, prijedlog koji je Udruženje „Švicarac“ dostavilo, a koji bi bio osnova za sporazumno rješavanje pitanja preostalih kredita sa valutnom klauzulom u CHF, značajno odstupa od tadašnjih tržišnih uslova, koji su važili za kredite koji nisu bili vezani za valutnu klauzulu u CHF, obzirom da je predložena kamatna stopa 7,5%, iako je prema podacima CBBIH u tom periodu k.s. bila oko 9,5%. Dodatno, tražili ste i refundiranje dijela troškova advokata, što je vrlo neuobičajeno u poslovnoj praksi.

Uprkos naprijed navedenim činjenicama da je Vaš prijedlog za Banku skup način rješavanja ovog pitanja, a u želji da riješimo pitanje preostalih aktivnih kredita sa valutnom klauzulom u CHF (sa krajem septembra je bilo 777 aktivnih partija sa valutnom klauzulom u CHF u Addiko Bank d.d. Sarajevo), iskazali smo spremnost za postizanje dogovora i konačno rješavanje ovog pitanja putem memoranduma zasnovanog na prijedlogu Udruženja „Švicarac“.

U skladu sa Vašim uvjerenjima da Udruženje predstavlja sve korisnike kredita sa valutnom klauzulom u CHF, ili barem njihovu većinu, obavijestili smo Vas da smo opredjeljeni za dogovorno rješavanje, zasnovano na modelu koji ste vi predložili, ali pod uslovom da ovim rješenjem bude pokriveno minimalno 90% korisnika aktivnih kredita sa valutnom klauzulom u CHF.

Analizirali smo rukom ispisan spisak osoba koji ste dostavili 23.10.2017. Iako nemamo izjave, niti smo imali uvid u iste, vjerujemo da ste u posjedu izjava koje odgovaraju spisku. Utvrdili smo da se radi o ukupno 432 osobe, odnosno 428 osoba nakon isključenja ponovljenih imena i pogrešnih rednih brojeva.

Iako je prijedlog Udruženja, na kojem bi se dogovarao memorandum, podrazumijevao aktivne kreditne partije (pod aktivnom kreditnom partijom podrazumijevamo da dug po kreditu sa CHF valutnom klauzulom danas postoji u knjigama Banke, bez obzira da li je u statusu redovnog plaćanja ili nije), dostavili ste nam i dio imena za zatvorene kreditne partije, odnosno klijente koji više nemaju duga po kreditu sa valutnom klauzulom u CHF. Osim toga, dostavili ste i manji broj imena za kreditne partije koje nisu aktivne u Addiko Bank d.d. Sarajevo.

Od 428 osoba, ukupno je 341 osoba bila ili je još uvijek klijent Addiko Bank d.d. Sarajevo. Među 341 naprijed navedenom osobom, aktivne kreditne partije sa valutnom klauzulom u CHF u Addiko Bank d.d. Sarajevo ima 223 klijenta. Ovo je, poredeći sa brojem trenutno aktivnih klijenata sa kreditom uz valutnu klauzulu u CHF (755 klijenata na dan 25.10.2017.) samo 30%, što je značajno manje od tražene većine klijenata sa aktivnim kreditom.

Svjesni smo nemogućnosti kontaktiranja svih klijenta ili njihovog neslaganja sa prijedlogom Udruženja, pa smo zato dozvolili odstupanje od cjelovitog rješenja za 10 % i rekli da nam je prihvatljivo da na ovaj način riješimo minimalno 90% klijenata. Dodatno želimo pomoći postizanju rješenja i na način što uzimamo da je to 90% od današnjeg broja klijenata koji je manji od broja u trenutku slanja prošlog dopisa.

# Addiko Bank

Nadalje, iz dopisa upućenog iz Udruženja o zaključcima sastanka na dan 25.10.2017. godine, zaključujemo da je plan Udruženja, ukoliko Banka ne pristupi potpisivanju memoranduma u ovom trenutku, poduzimanje drugih aktivnosti kojima će Banku pokušati prisiliti na rješavanje ovog pitanja. Želimo naglasiti, kako ne biste bespotrebno trošili resurse, da niti jedna druga aktivnost, koja nema za cilj da se obezbijedi saglasnost klijenata na koje se ovo rješenje odnosi, neće promijeniti ništa u sadašnjoj situaciji.

Moram još jednom naglasiti da ste Vi dali kreativan i za Banku skup prijedlog za rješavanje ovog pitanja, a koji je Banka u dobroj volji prihvatila, uz Vašu obavezu obezbjeđenja saglasnosti klijenata, na koje se prijedlog odnosi, a čijim se predstavnikom legitimišete. Tim prijedlogom se rješavaju njihovi krediti i bez njihove saglasnosti ne možemo ništa riješiti, šta god Udruženje i Banka potpisali.

Obzirom da Vi niste još uvijek obezbjedili saglasnost naših klijenata, a Vaših članova, za pregovore, ne možete očekivati da ćete poduzimanjem drugih radnji Banku prisiliti da odustane od zahtjeva da predstavljate većinu korisnika CHF kredita, a ne jednu interesnu skupinu. Nelogično je da radite bilo kakve aktivnosti usmjerene protiv Banke zbog nedovršene aktivnosti na svojoj strani.

Banka neće promijeniti svoj stav zbog tog čina ili bilo kakvog oblika pritiska. A stav je, još jednom naglašavamo, da se na način kojeg je predložilo Udruženje mogu riješiti samo svi ili minimalno 90% korisnika aktivnih kredita, za što je neophodna njihova saglasnost da bi Banka uopće pristupila izračunu individualnih ponuda i dostavljanju istih Udruženju radi prezentiranja klijentima i osiguranja njihovih pristanaka na konkretnu ponudu.

Zbog toga predlažemo da se fokusirate na aktivnosti koje mogu doprinijeti rješenju. Ako razlog malom broju izjava prikupljenih do sada ne predstavlja činjenica da Udruženje zastupa samo manji dio korisnika kredita sa valutnom klauzulom u CHF, nego nedovoljno vrijeme za provođenje te aktivnosti, stojimo Vam na raspolaganju da se u tom smislu dodatno usaglašavamo. Mi smo i dalje opredjeljeni za dogovorno rješenje, koje bi obuhvatilo barem 90% klijenata sa aktivnim kreditima sa valutnom klauzulom u CHF, te ćemo se vrlo rado odazvati Vašem pozivu na dalju saradnju. Alternativna opcija ovom kolektivnom rješenju jeste naša aktuelna ponuda za individualnu konverziju, uz olakšice od 30%, koja će biti raspoloživa još neko kratko vrijeme.

Kao i do sada, za sva pitanja, nejasnoće ili prijedloge stojim Vam na raspolaganju.

S poštovanjem!

Addiko Bank d.d. Sarajevo

  
Sanela Pašić, direktor

